

التسجيل الصوتي الثاني: ماماكيل .

- ❖ قبل منبداو على des questions عامين على le mouvement فالمغرب , نقدر و نبدأو بيبك نتيا. كيفاش ك Identifier؟ كيفاش كتبغي تعرفي على راسك؟
- ❖ سميتي ماما ولا ماماكيل والضمائر لي كنستعمل بالعربية هم هي وبالانجليزية كنفضل they-them وكنعابر راسي سحاقية و gender non-conforming queer.
- ❖ تقدري تهديري لينا شوية على الخدمة ديالك Individuel ولا الا كانت فوسط شي group على حسب شنو بغييتي؟ الخدمة ديالك دابا حاليا ولا حتى قبل.
- ❖ حاليا كنظم event و community building ومركزة على creating safer و community building spaces و المساحات الامنة للكوير اللاجئين واللاجئات ف هولندا. كندير Dj وكنرسم وكندير poetry والكتابة . البداية ديال l'activisme بدأت عندي ف 2014 كنت غير تنكتب فالفايسبوك بوسطات وستاتويات وداكشي ومنبعد تلاقيت مع شي ناس كانوا بدوا واحد collective صغيرة كانت سميتها أقليات و نظميت ليهم فالحركة وكنا كنديرو واحد المجلة وكنت تنكتب معاهم ز عما شي حوايج بساط ماشي بزاف ومنبعد بديت من هذا تتعرف على ناس كثر ف communauté وتتوسع الشبكة ديال المعارف ديالي ف communauté و 2015 كانت الحملة ديال حق من حقوق الانسان لي دارتها أقليات وشاركت معاهم فواحد الفيديو صغير كان ز عما تنقول الحب ماشي جريمة والحب ماشي خطيئة وهادا وكان هذا هو لي كان شوية دفعني للقدام وللواجهة وعرفني بزاف على الناس من communauté والناس ماشي معنيين. فكان ديك الفترة كنت أنا فتركيا وكان خلق ليا بزاف د المشاكل فالمسألة ديال أنني كيفاش نرجع للمغرب ولكن ز عما ملي رجعت موقعش شي حاجة grave بزاف . يعني كان واحد التحقيق. ز عما شذوني فالمطار ولكن كنت كيحساب ليا غنتشد بصاح ولكن داووني لسنطرال ودارو معايا واحد التحقيق ومنبعد صافي طلقوني ومشيت بحالي ومنمتا تعرفت على ناس لي allies ز عما حلفاء ديال الكومينوطة و كانوا هما كيدفعوني واستاجبو للكتابة ديالي وعرفوني على ناس كود وبديت تنكتب اليوميات ديالي . فكانت اليوميات ناجحة وزوينة وعجباتني ديك الفترة بالرغم من أنه ز عما حاليا الا كنت غنكتب شي حاجة فديك الفترة فبدلت بزاف ديال من المواقف ديالي والطريقة التعامل ديالي سياسيا وحتى فاللغة . تعاملتي مع اللغة تبدل وكان هذا كلو راجع لفضل الاستاذة مينة بوشكيوة كانت قراتني هي وكانت الأستاذة ديالي دالفلسفة ف cinquième قراتني ومنبعد ز عما الصدف عاوتاني لقاتنا ببعضياتنا وهي لي كانت عرفاتني على الناس لي ف كود . للأسف مطولتش ف كود كانت شي ثلاث شهور هكا ومنبعد عاوتاني وقفنا . فمينبعد داكشي.
- ❖ شنو كانوا سمية اليوميات ؟
- ❖ يوميات قرشالة
- ❖ باقين كاينين sur internet؟
- ❖ وي باقين . وفديك الفترة بقيت غير ف actions مع community ولا مع الناس لي allies كنديرو workshops لي خلاتني بالصبح نتعرف على داك الجزء السياسي من الحراك ديال لكوير لي ماشي غير مسألة أنه حنايا online و social media ولكن كنتلاقاو وكنهدرو سياسيا على المواقف ديالنا وعلى الوضع ديال لكوير فالمغرب سياسيا. يعني لسوء الحظ وقعو بزاف د المشاكل ف 2017 فكان خاصني نخوي المغرب و كانت عندي فيزا ديال فرنسا طلعتها على أساس UZH لي كانت كتسمى الجامعة الشعبية ديال لكوير ففرنسا. كلست فيها شي عشر ايام وكانت الفكرة ديالي أنني منين غنوصل لفرنسا غنجلس ففرنسا و غنطلب اللجوء . لحسن الحظ تلاقيت بزاف ديال الكوير لي لاجئين وعاشين ف هولندا . اغلبية ديالهم كانوا activists ز عما ناس لي هما engaged فشني organization ولا شي collective ولا شي حاجة. كان كولشي تقريبا active فهذاك summer school وعطاوني فكرة احي معانا لامستردام شوفي تماك حيثاش تماك اوضعية د اللاجئ ففرنسا ز عما صعبة وخايبة بزاف وعندك الحظوظ أكثر ف هولندا , فجربت وكانت ديك الفترة ديال Pride ف شهر غشت وملي وصلت صراحة لأمستردام كنت بحال واحد baby queer عمرني شفت شي حاجة بحال هكدا و كولشي rainbows وداكشي فتبهرت بهدشي كامل. فالأول كان عاجبني الحال يعني كنشوف ز عما الناس معندهومش المشكل و rainbows فكل بلاصة. ولكن بشوية بشوية تعلمت أنه كله جزء من البروباغدا ديال الغسيل الوردي ديال الشركات , لأنه كيركزو على commercialism ديال الهويات وديال queerness باش ابيعو ز عما products ديالهم وباش اغسلو يديهم من بزاف د لحوايج لي كانوا هما السبب ف the global south . مثلا دابا البنوك لي ف هولندا لي كترج كل عام كدير rainbows وداكشي نففس الوقت كتساهم فالتسليح ديال السلطات و governments لي كتقمع الناس و الكوير ف the global south بحال مصر وفلسطين والدعم ديالهم ل projects ديال النظام الصهيوني المستعمر و colonialism . فكانت هاد المسائل كلها تعرفت عليها من بعد واحد الفترة من وصولي لأمستردام.

- ❖ سمحي ليا نقطعك. غير بغيت نقولك واش نقدرو نهذرو شوية على للأيام فالمغرب وتقدر تهدي لينا شوية علا واش مزال باقي داك الفيديو د أڤليات sur internet ولا حيديتهم؟
- ❖ أعتقد تا هيا كاينة .
- ❖ . Oky
- ❖ هاد المسائل كنت ناشرها بالسمية لي كانت تعطاني لي هي هاجر المتوكل.
- ❖ واش مكانش عندك مشكل أنك تستعملي الاسم ديالك لي ف البطاقة الوطنية .
- ❖ مكانش عندي المشكل أنني نستعمل سميتي ولا الوجه ديالي حيتاش مكانش عندي شي حاجة نخسرها. فمكانش عندي مناش نخاف . فكان زعما oky. بغيت ندير هدشي غنديرو وغنديرو بسميتو وهذا.
- ❖ وعلاش كنتي كتخدميني بهاد الطريقة هادي ؟ وزعما الفيديو من بعد الكتابة أيضا . زعما علاش هاد الطريقة بالخصوص؟
- ❖ هي داخلة فمسألة أننا كنبداد بواحد shock يعني كنديرو shock لعباد الله وكنصدموهم وتنوريوهم أشنو كاين ومنبعد كندخلو فديك المسألة ديال normalization حيث خاصنا ن normalize هدشي. لأنه الناس تقدر تهذر بسميتها ووجها بلا مشكل. ولكن فنفس الوقت تنقول زعما أنه الامان الشخصي والرقمي ديالك أهم من أي حاجة وضروري أنك تحطها فالأولويات قبل متبدا شي fight ولا شي حاجة. ضروري الأمان ديالك. فكانت هاد المسألة ديال أنه ندخلوشوية و normalize هادشي ونشجعو الناس أنها to be more vocal ويحطو تصاورهم فالفايسبوك ماشي مشكل ومخافومن تا شي حاجة. لأنه كنا تتلعيو على نجرودا داك 489 . هاد القانون ففضاض ومفهومش. فخاصنا حنايا نعيدو ديال القضية ديال أنه كييعني أنه الا نتايا كوير فالفايسبوك وحاط تصاورك راه غتوقع ليك شي حاجة. فكان خاصنا نعيدو الشك لأنه هدشي مغيقعش ومخصوصش يوقع. وكانت الخدمة ديالنا كلها راجعة الى 489 كان خاصنا نعيدو ولو أنه كان زعما واحد الهدف بعيد رجعا للنقطة الاولى لأنه oky باش غنبدادو غنبدادو ب building the community خاصنا بنينو هاد الكوميونيتي. خاصنا نكونو more vocal خاصنا نكونو مشبكين مع بعضياتنا ومنعرفو بعضياتنا وكنتلاقو ببعضياتنا وعاد كيقوا الحراك وعاد كنبدادو زعما الخدمة الحقيقية ف تيران.
- ❖ أوكي. هادشي très intéressant . الخدمة كانت كولها كتدار تقريبا online ولا كنتي كتخدميني فالواقع ؟
- ❖ من البداية يعني من 2014 تا 2016 كان كولشي online يعني السنتين الأولى كانت أغلبيتها أون لاين . لأنه ف2014 كنت فتركيا وحتى ل 2016 عاد رجعت للمغرب وفديك الفترة كنت زعما يعني حدي فتركيا كنمشي نتلاقا مع واح collective لي كانوا سميتهم الشاي والحكي . يعني واحد الناس مشاركة وكنا كنهذرو وهذا . كانوا الأغلبية ديالهم cis gay men وكنت بوحديتي لي تماك assigned female وكان صعب أني نجلس ولا نهذر ولا نتصنت حيتاش كنحس براسي بوحديتي وفنفس الوقت كنحس براسي أنني خصني نتكلم بالاسم ديال كاع ليزبيانات ولا كاع لي assigned female, فحسيت أنها ماشي بلاصتي أنني نهذر بسمية عباد الله.
- ❖ فهمت. فمبعد دخلتي للمغرب وديك الساعة فالمغرب تا هو بقات أونلاين ياك ؟
- ❖ فالمغرب اه . فالمرب ركزنا كثر على العمل أون لاين لي كان كييعطي وكيجذب الناس بزاف وكيعرفنا على الناس وكيشيكنا بناس بزاف من queer community ولكن كنا خاصنا نخرجو شوية من من ديك القوقعة ديال أون لاين فكنا كنتلاقو . كنا واخا زعما نمشيو كافي ونمشيو للبارك ونمشيو لشئ دار شي حد . مهم خاصنا نتلاقو ونعرفو هاد فلانة هاد فلان . كنا كنكسرو داك الحاجز ديال العالم الافتراضي.
- ❖ أوكي. و2017 شنو لي طرا خلاك تمشي ؟ زعما الا بغيتي تهذري على هدشي أكيد.
- ❖ ممكن زعما نهذر briefly. كنت درت واحد الفيديو مع واحد platform سميتها أصوات مغاربية وكنا درنا واحد الفيديو وصورنا ف LCS والناس ديال LCS معجبهموش الحال أننا صورنا تماك فوق بزاف ديال المشاكل وداكشي وفنفس الوقت كان عندي شي مشاكل شخصية مع ex-partner ديالي لي زعما وصلات لحوايج معقدة بزاف وخطيرة لي كتهدد السلامة ديال الجسدية وكولشي. زعما التواجد ديالي فالمغرب كان مهدهد فكان خاصني نخرج من المغرب ومنقول تا لشبي حد أنني خرجت أو أنني غادة . حدي مشيت لعند مي ومشيت قلت ليها أنني غادي نمشي فحالي لفرنسا وقلت ليها بسلامة وصافي . زعما تا Ex-partner والناس الاخرين مقلت لحد أنني غنخرج تا وصلت لتولوز وقلت ليهم انني خرجت من المغرب وبدلت الواتساب ديالي ومبقيتك نجابو تا شي حد باش نحد دوك التهديدات, لأنه ملي رجعت للمغرب ف 2016 بحال قلت ليك وقبل منبدا نكتب ف كود وقع ليا شي مشكل فالفايسبوك شيدح hacked my account وملي هاكا الفايسبوك ديالي دخل لديك data لي عند فايسبوك وخدا التصوير ديال الباسبور ديالي والتصوير ديال لاكارط ناسيونال ديالي وحطهم فلبروفايل والصورة ديال cover وكاع الناس عرفو فين ساكنة وداكشي . ديك الساعة كنت فرباط فخرجت بحالي مبقيتش جالسة فالرباط ومشيت بحالي لمراكش .
- ❖ أوكي , دابا الخدمة ديالك خارج المغرب واش باقي خدمة على المغرب ولا وليتي كتركزي على برا؟
- ❖ حاليا تتحاول ما أمكن أنني ندير لي قدرت عليه بالنسبة للكوميونيتي فالمغرب ولكن تنبغي نرجع ل grassroots زعما التحت التحت. لأنه أغلبية ديال collectives ولا شي حاجة تيركزو على workshops و events وهدشي تنديروه

- ولكن مكائش شي حد لي كيركز على نديرو شي شخص عندو مشاكل فدارهم وخاصهم اهربو من ديك الدار ولا شي fund ولا شيجاحة تا حد مكيدير هاد المسائل. شي حد باغي ادير عملية تا حدما كيدير هاد المسائل. واخا معقدة وصعوبة وكتاخذ بزاف د الجهد و energy ولكن أنا تنفضل نركز عليها باش تا حد ما مكيدير هاد المسائل على حد علمي.
- ❖ فالمغرب؟
- ❖ اه فالمغرب.
- ❖ حنا بدينا شوية العمل فهاد القضية . حنا نسويات. زعما قبل من هاد العام مكان تا شي حد كيدير هاد القضايا هادو. زعما كتحاولو ما أمكن . ماشي شي حاجة لي هي مقادة بزاف, ولكن كاينة ديك la question ديال les urgencies. زعما الا كان شي حد محتاج شي حاجة حنا باقي كنعاونو. زعما الا كاين شي حد محتاج شي حاجة, تقدري تصيفطيه لينا.
- ❖ نقدر نشارك معاك واحد الدري مؤخرا سميتو سيفاو وهو لي دابا أنايا مركزة معاه. كاع benefits لي كنجمع من DJ ولا شي حاجة . دوك Benefits د parties كيمشيو ليه. تتجمعوهم على ود العملية ديال top surgery ديالو. كنا باغين نجمعو 4200 أورو باش ادير العملية. لحد الان جامعين تقريبا حوالي 700 أورو ومزال.
- ❖ هو فين كاين؟
- ❖ هو فالمغرب. فجهة الجنوب.
- ❖ D'accord . الا تقدري تصيفطي ليا les détails. حنا مهم fund لي عندنا ديال les urgencies ومعرفتش واش نقدر نعاونوه فهاد لحوايج بحال هادو, ولكن نقدر نسول L'equipe والا كانوا متافقين نقدر زعما نعاونو وخا غير بماششي شي sum كبيرة , ولكن زعما au moins بشي 200 أورو ولا 300 أورو . نقدر زعما نزيدوها , ولكن خاصني نسول L'equipe حيتاش le fonds لي عندنا ديال الناس لي باغيين اخلصو لكرا ولا الماكلة و حوايج بحال هادو. تا les facteurs العادين ونقدر نشوفو.
- ❖ فأنا كنعتابر هاد المسائل تا هي أساسية. العملية ديال شي شخص ترانس ولا المسائل ديال access للهيومونات ولا binder ولا شي حاجة لي هي أساسية وحنايا مكناش كنكفرو فيها بالصرامة, حيتاش مكنتش محتاجاها فمكنعتابرش أنه الناس زعما غيحتاجوها. زعما ماشي مهمة, ولكن بالصح هي مهمة . هي هادي الفكرة.
- ❖ أوكي هادشي مهم ومزيان وصرامة واحد القضية لي مهمة بزاف, حيتاش كاينين لي كيديرو réseaux de solidarité فبرا على ود المغرب ولي هي شي حاجة لي مهمة بزاف وكيبان ليا خدمة لابد منها . خاصنا نزيدو منها كثر وكثر.
- ❖ بالصح , بالمناسبة الا ممكن نضيف واحد المسألة . أنا من زمان وكنت باغية ندير واحد crowdfunding لسيفاو, ولكن لسوء الحظ ولأن المبلغ كبير تا حد موافق أنه اربط paypal ديالو مع crowdfunding. فهل ممكن هاد نسويات عندها شي access لي ممكن نديرو crowdfunding ف paypal ديال نسويات ولا شي شخص أولا شي organization عن طريق نسويات.
- ❖ حنا معندناش حيتاش ممسجلينش ولكن paypal كاين بسميتي أنا. معرفتش شنو المشكل لي اقدر اكون زعما أنه paypal individuel؟
- ❖ مشي مسألة ديال أنه مشكل, ولكن بعض الناس تيقولو لا على ود مسألة الضرائب. مهم الناس لي سولت ف هولندا على الأقل المسائل ديال الضرائب كان خاصهم اكون نشي organization هي لي تستالم داك لفلوس وتشوف كيفاش زعما تصيفطهم. معرفتش على المسائل ففرنسا كيفاش دايرة وواش عمرك أصلا درتي شي Crowdfunding.
- ❖ ماشي les fonds كبارين. أكبر sum كانت هي امكن 1000 أورو وماششي كثر من 1000 أورو. زعما نقدر نديرو Crowdfunding على plusieurs étapes. يعني l'étape لولا ونتوما شحال قلتو تجمعو؟ 4000 ياك؟
- ❖ أه 4000.
- ❖ نقدر ديرو ربعة ديال Crowdfundings زعما مثلا تساليو واحدوتبداو واحد آخر.
- ❖ هي هادي المسألة . غنساليو 1000 لولانية جمعناها بالسمة ديال أميمة ولكن 1000 الثانية بسمية من؟ و paypal ديالمن؟ زعما كنطيلحو فنفس اللب.
- ❖ خليني نشوف خليني نسول ونرجع عندك.
- ❖ واخا.
- ❖ كيقا هادالمشكل تا ع لفلوس مشكل كبير بزاف .
- ❖ بالصح.
- ❖ أوكي. باش نرجعو شوية . واش كتحسي براسك involved فشنو طاري فالمغرب وهكذا؟
- ❖ الى حد ما . مزال engaged فالحراك لي مزال مستمر فالمغرب, ولكن كنعتمد طالما أنني زعما برا المغرب تتعتقد أنه المسائل لي عنها علاقة مع اتخاذ القرارات كتبقى للناس لي مزال تماك

- ❖ وي بالتأكيد. باش نمشيو ل des questions plus générales . واش بالنسبة ليك كايين شي événement طرا لي معندوش علاقة ديريك مع الحراك ديال lgbt, ولكن زعما على هاد الحراك هدا؟ بحال حنا فكرنا شوية فواش الخدمة لي دارت على السيدا والمدونة ديال 2004 و 20 فبراير ولا الحراك د الريف ولا كوفيد ولا حوايج بحالو هادو. واش بالنسبة ليك كايين شي événement لي هو كان عندو علاقة بالتاريخ لي أثر على الحراك الكويري فالمغرب ولي عشتيه تا نتي؟
- ❖ للأسف فعشرين فبراير مكنتش فالمغرب, كنت ديك الساعة فالسعودية. المسألة ديال أنه الكوير عندنا بزاف ديال التقاطعات, فكنا جميع الحركات فحراك جرادة غتلقاي لكوير تماك, لأنه نسا ولكوير والناس فوضع اعاقه هما لي كيتأثرو بزاف فكاف لحوايج لي كتوقع . هما لي كيقاو يتهمشو كثر هما لي كيتهمشو أكثر فهاد المسائل كاملة. فحراك 20 فبراير تا هو كان فيه بزاف د الكوير والناس لي مزال لحد الان البداية ديالهم فالنضال كان 20 فبراير ولي هما queer leaders دابا . فحراك الريف الصراحة انا معشتوش يعني معيشاش فالريف ولكن كنا متبعين بزاف شنو واقع والناس لي كوير لي فالحسيمة ولا فالناظور وشنو كيوقع تما كامل. فالبدايات ديال حراك الريف كنا كيفاش كنشوفو هو أنه هاد الناس عندهم خطاب ديني وداكشي وناصر الزفزافي معجبناش, منبعد أعتقد أنه المخزن هولي صنع هداك الأيقونة وهداك الرمز. منبعد ملي تعناقل بديك الطريقة ملي دخلو لدارو. يعني كاع الناس لي كانو باينين نسا ورجال لي كانو فالحراك وكيفاش المخزن دخل بديك الطريقة . يعني زعما دفع الباب برجليه باش اسكت الشعب كامل, فحركنا تا هو بزاف ونخرطنا معاه وكننصامنو مع الناس د الريف وكننصامنو مع الحراك ديالهم وزعما بالرغم من الخطاب , المخزن هو لي صنع هاد المسائل وهو لي خلى هاد المسائل تتفاقم بهاد الطريقة. كانت مطالب بسيطة ومطالب انسانية وأساسية. مطالب بسيطة لي غنتقابل بلهراوة والبوليس والكلاب.
- ❖ شناهو شي événement لي بالنسبة ليك عشتيه ولي كايين فيه واحد التغيير كبير فالحراك الكويري فالمغرب؟
- ❖ أعتقدو مؤخرا اخر واحد عشتو هو الحراك د الريف والتضامن د الناس لي كانو كيخرجو فمدن أخرى على الريف. كان كولشي كيتقمع. واحد النهار كنت خرجنا فمراكش . البوليس كانو كيخرجو مغطين وجوههم يعني لابسين ماسك باش منعرفوهمش وبالموطورات وكيدورو على الناس لي كينصاهرو وكايين زعما الضرب ولعصا والاعتقالات. داكشي كان بالعرام. فأعتقد هدشي هو آخر واحد كنت عشتو تماك ولي زعما خلعتي ونفسي الوقت حرك شي حاجة فيا. زعاماشي بوحديتنا لي كنعيشو هاد المسائل زعما عندنا نفس الهدف لأنه باغيين واحد المطالبلي هيا انسانية. العدالة وجقوق الانسان والتغطية الصحية والتعليم والمسائل لي هي أساسية وحنا لي كاملين محتاجينهم. زعما حنا كاملين we are asking for the same goals and reasons.
- ❖ Oui Exactement. واش كايين ناس des figures لي inspired you من le mouvement فالمغرب؟
- ❖ واحد القضية. أكثر شخص تأنسريت منها وبالسبب ديالها بديت تنبوسطي تصاور ديالي ولا نكتب شي حاجة هي صولا. كعرفتش واش كعرفي صولا.
- ❖ وي كعرف صولا.
- ❖ صولا لحد الان أنا معمرني تلاقيت بيها ولكن فالبدايات ف 2014 كانت هي أول شخص كوير كنعرفو فالفايسبوك. وملي كنت تنشوف أنها كتبوسطي وهذا, كنت متبعاها بزاف وكنتبغ المسائل لي كانت تنكتب عليهم وبعض المرات I engage with her وبعض المرات تنكتب تا أنا يا. فكانت هي الصراحة لي inspired me باش نبدا نكتب.
- ❖ هدشي intéressant بزاف. واش بالنسبة ليك تقدري نقولي ليا شناهو أول organization عقنتي عليها ؟ يعني اكون واحد organization بطريقة باينة ماشي غير ناس بوحدهم وصافي. زعما اكونواحد التنظيم بين الناس باش اكون واحد الحاجة سياسية . واش شاركتي فشي حاجة بحال هكا؟ ولا شناهو أقدم حاجة تقدري تعقلي عليها لي عشتيها بهاد الطريقة هادي؟ معرفتش واش السؤال ديالي واضح؟
- ❖ معرفتش واش فهمت مزيان ولكن تعاود توجهنني الا خرجت عن السياق. أعتقد أنه أصوات وأقليات هما لي عاقله عليهم من ديك لوقيتة وكانت المسألة ديال أنه engaged ماشي غير حراك كويري للحريات الجندرية والجنسية لا. كانت مسائل لي سياسية حيث كنا كنحضروللا اجتماعات ديال النهج الديمقراطي وديال الجمعية المغربية لحقوق الانسان وكنحضرول workshops. بزاف ديال لحوايج لي we were engaged in وخدمنا. وهاد المسائل على ما أعتقد جاية من الناس لي heterosexual زعما السياق, لأنه فالبداية كنت تنعرف مالي فالناس لي من أصوات تاهما كانو فمالي , ولكن من بعد الناس ملي خرجو من مالي مبقاتش مالي ولأو أصوات ولا شوية بحال ديك المسألة ديال التخوين ديالهم وهذا. الناس لي زعما ماشي معنيين حيث هما hetero فهما معايشين نفس التجربة ونفس اللحظة مفاهيمهاش ومباغيش اديرو واحد شوية ديال الخدمة على نفسهم باش اخدمو على التضامن بشكل زعما فعال أكثر وأكثر انسانية. زعما ميخليوش بحال كدير الصداقة فشي حد. نتا مباغينكش دير الصداقة . التضامن ماشي هي أنك تحن فيا ولا هدا. فكان فالبدايات queers شوية مشتتين و divided وباقا شوية هاد المسائل وحنايا لكوير لي فالمغرب اعتقد الوحيديين الا مخفت نكذب لي عندنا هاد المسائل ديال المنافسة . زعما المنافسة مزيانباش نخلق واحد المحتوى كثر وحسن ومزيان , ولكن خلق بزاف ديال السمية فالعمل منبعد ملي دخلو الممولين. فكان زعما المنافسة وشكون غادي ادير واحد project لي غادي املو الممولين

أكثر. والمسألة ديال الناس مكتشاركش المعلومات من جهة لي هي منطقيا الأمان ديالهم الشخصي ومن جهة أخرى لأنهم الحماية ديال assets ديالهم. لأنه المعلومة هي واحد power وملي مكتشاركش المعلومة مكتشاركش power ديالك. كنتمى أنه ف alliance ديال الكوير مؤخرًا لي كان طلع كنت شفت فيه شوية ديال النور منبعد شوية من دون ذكر الأسماء على ما أعتقد ومعرفتش واش كيهم نذكرو الأسماء أو لا لا، لأنه كان خاصهم اخرجو من الاتحاد أو من داك alliance كامل على وداش كانو كيساهمو فديك السمية ديال المنافسة وديال لي أنا خاصني ندير وأنا لي خاصني نبان وأنا لي خاصني وخاصني. تننساو الهدف الأول لي هو it is not about you, it is about the community and the cause.

❖ Exactement. وهادشي أنامتافق معاك فيها حيتاش حقا كاين واحد المشكل كبير باقي كنعيشوه فهاد القضية واكتشف بلي أنه ماشي غير لكوير بناتهم حتى les feministes لخرين ليماشي كوير تا هما هازين فقلبهم من جيهتنا. زعما كاين هاد المشكل هدا وأنا كيبين ليا الممولين هما لي دايرينو وخاص اتلقا ليه حل حيت ميمكنش ابقى بحال هكا.

❖ بالصبح. الفكرة أنه طالما الممول داير هاد المسائل حنا عندنا autonomy أننا ناخذو قرار فنقرر المصير ديالنا. حنا غنعرفو كيفاش غادي نديرو هاد الحراك ماشي الممول غادي اقول لينا شنو غادي ديرو ولا مديروش ومعامن نتعاملو وممعامن نتعاملوش أو كيفاش نتعاملو. أعتقد هاد المسائل كلها ترجع فالآخر كلها ل capitalist system ملي كندخل لشي حراك كتخربو.

❖ متافق معاك. تقريبا هدرنا على كولشي معرفتش الا بغيتي تقول شي حاجة ولا شي حاجة تعاوديهها. زعما شي حاجة عشتيها لي كانت بالنسبة ليك مهمة بزاف ف parkour.

❖ أعتقد ملي وصلت لهولندا، الكومينوطي لي تعرفت عليها هنايا زعما التطور ديالي سياسيا زعما my political development كان سريع وبدلات وغيترات بزاف دلخوايج زعما فاللغة وكيفاش نتعامل مع الناس أو مع شي مسائل سياسيا. مثلاً فالبدايات وهذا كان عندي واحد الخطاب لي اسلاموفوب بزاف ولي رجعت تنقول أنه المسائل معندهاش شي علاقة بالدين، بالعكس عندها علاقة بالاستعمار أكثر وحنايا مزال كنغطيو على الاستعمار وبالعكس we are longing أنه يرجع الاستعمار لأننا نتعاملو مع هاد المسائل و decolonize ونحيدو علينا هاد التخت ديال الاستعمار لي باقي عندنا وباقي كيحركنا. مشفتش زعما هاد المسائل. الكومينوطي لي تعرفت عليها هنايا فأمستردام كنت فلكوان ديال فرنكا يبغي كان event أول مرة كنشوف الناس كطيب voluntarily زعما الناس كيتظوعو وكيطيبو وكيعطيو للناس الماكلة وعاد كاينة مزيكا وكاينة الناس كيهدر وكيعارفو على بعضياتهم. تعرفت على شي حاجة سميتها ممكن تاكل شيحاجة vegan زعما فتحات ليا أفاق ناكلو vegan. ماشي مسألة أنه معندهاش تا هي علاقة مجددا بشي حاجة دينية ولا هادا، ولكن داك الانتاج ديال اللحوم ولا الاستغلال ديال الشركات للحيوانات وكيفاش كينتجو اللحوم والمنتجات الحيوانية كانو ناس ضدهم وعرفوني على هاد المسائل. تعلمت منهم الصراحة ووليت نتحترام هاد المسائل فكنحاول أنه ما أمكن نقلل من المنتجات الحيوانية فحياتي كاملة ماشي المسألة ديال الماكلة ونعرف علاش كذلك ماشي غير شي حاجة لي تراند فأنا ماشي vegan لأنها شحاجة cool ولكن it is a political stand ضد الرأسمالية ديال الشركات لي كتخرج هادشي كامل.

❖ شكرا بزاف.

❖ شكرا وعفوا.